

Adoption Assistance (Kev Pab Rau Kev Txais Me Nyuam Los Tu): Cov Ntaub Ntawv Feem Dav

ADOPTION ASSISTANCE: GENERAL INFORMATION



Adoption Assistance (Kev Pab Rau Kev Txais Me Nyuam Los Tu) (AA)

Adoption assistance (Kev pab rau kev txais me nyuam los tu) (AA) yog ib qho kev txhawb nqa rau cov me nyuam uas tau txais kev coj los tu thiab lawv tsev neeg. AA muab Medicaid Txhawb Nqa Muab Kev Saib Xyuas thiab lub hwm tsum hauv kev los thov cov nyiaj them rov qab uas cuam txhuam txog kev txais me nyuam los tu siab txog li \$2,000 ib lub sij lawm. Qee tus me nyuam yaus AA kuj tseem suav nrog cov nyiaj pab txhua hli thiab.

AA yog tsim los ntawm kev pom zoo ntawm Department of Children and Families (Lub Tuam Tsev Hauj Lwm Saib Xyuas Me Nyuam thaib Tsev Neeg) (DCF) hauv Wisconsin thiab cov niam qhuav txiv qhuav. Yuav tsum ua daim ntawv cog lus AA ua ntej kev txiav txim txais me nyuam mus tu. Feem ntau lawm AA yuav siv tau txog thaum tus me nyuam muaj hnuv nyoog 18 xyoo los sis kawm tiav tsev kawm them siab, tshwj tsis yog muaj lwm yam xwm txheej tshwm sim.

Medicaid Txhawb Nqa Muab Kev Saib Xyuas

Txhua tus me nyuam uas muaj daim ntawv cog lus AA tseem muaj cai tau txais Medicaid Txhawb Nqa Muab Kev Saib Xyuas (uas kuj tseem hu tias Title XIX Medicaid, FSTMA, los sis MA) hauv Wisconsin. Yog tias lawv tsiv tawm sab nraud ntawm Wisconsin, qhov kev duav roos yuav raug xa mus rau lub xeev tshiab; tej zaum koj yuav tiv tauj rau 866-666-5532, xaiv 3 txoj hauv kev, kom paub seb puas tuaj yeem hloov pauv qhov kev duav roos tau.

Medicaid Txhawb Nqa Muab Kev Saib Xyuas hauv Wisconsin muaj kev duav roos tib yam li BadgerCare Plus tab sis tsis muaj kev txwv cov nyiaj khwv tau los, cov nqi them kev tuav pov hwm, los sis them nqi sib koom. Yog hais tias tus me nyuam tau nyob hauv kev saib xyuas li kev pab txhawb dhau los, qhov no yog tib qhov kev duav roos uas lawv muaj ua ntej yuav coj los tu. Tej zaum Medicaid Txhawb Nqa Muab Kev Saib Xyuas yuav siv los ua kev tuav pov hwm thib ob tau yog tias tus me nyuam tau txais kev duav roos los ntawm txoj cai tuav pov hwm ntiag tug.

Yog xav paub ntau ntxiv txog Medicaid Txhawb Nqa Muab Kev Saib Xyuas rau Adoption Assistance (Kev Pab Rau Kev Txais Me Nyuam Los Tu), mus saib [Kev Txais Me Nyuam Los Tu thiab Kev Pab Kho Mob: Cov Lus Nug Uas Nquag Pom Tas Li \(FAQs\) \(DCF-P-5595\)](#).

Kev Thov Them Tus Nqi Rov Qab Ib Lub Sij Hawm

Txhua tsev neeg uas tau kos npe rau daim ntawv cog lus AA lawm yuav tuaj yeem thov rau kev them nyiaj rov qab txog kev txais me nyuam los tu tau txhua lub sij hawm. Tej zaum DCF yuav them rov qab rau tsev neeg txais me nyuam los tu siab txog \$2,000 ntawm ib tus me nyuam rau tus nqi uas tsim nyog thiab tsim nyog rau qhov xaus hauv kev txais me nyuam los tu. Yog xav paub ntau ntxiv, mus saib hauv [Adoption Assistance \(Kev Pab Rau Kev Txais Me Nyuam Los Tu\): Kev Thov Them Tus Nqi Rov Qab Ib Lub Sij Hawm \(DCF-P-PSF0747\)](#).

Cov Nyiaj Pab Nyiaj Hli

Qee qhov xwm txheej, tej zaum AA yuav suav nrog cov nyiaj pab txhua hli. Cov me nyuam yaus tuaj yeem muaj cai tau txais cov nyiaj pab txhua hli yog tias lawv tau txais cov cai kom muaj kev saib xyuas tshwj xeeb thaum lub sij hawm txais me nyuam los tu, raws li tau teev tseg [Wis. Admin. Code § DCF 50.09\(1\)\(b\)](#). Qhov nyiaj pab no yog them los ntawm DCF rau cov niam qhuav txiv qhuav los pab ua kom tau raws li qhov kev thov nyiaj txiag ntawm kev saib xyuas tus me nyuam cov kev xav tau tshwj xeeb. Cov nyiaj pab yog suav tag nrho ntawm peb tus nqi:

- **Tus Nqi Pib:** cov nyiaj tus qauv raws li tus me nyuam lub hnuv nyoog thaum lub sij hawm txais los tu
- **Tus Nqi Ntxiv:** tus nqi sib txawv yog xam raws li qhov kev xav tau ntawm kev saib xyuas tus me nyuam txoj kev xav, tus cwj pwm thiab kev saib xyuas lub cev uas teev tseg los ntawm lub koom haum nrhiav me nyuam thaum lub sij hawm txais los tu
- **Tus Nqi Tshwj Xwb:** tus nqi sib txawv yog xam raws li qhov kev xav tau ntawm kev saib xyuas tus me nyuam tshwj xeeb thaum lub sij hawm txais los tu

Tag nrho cov nyiaj pab txhua hli tsis tuaj yeem tshaj cov nqi siv rau kev saib xyuas tu tus me nyuam los sis ntau tshaj \$2,000 toj ib hlis.

Kev Tsim Nyog Rau Adoption Assistance (Kev Pab Rau Kev Txais Me Nyuam Los Tu)

Tus me nyuam tau txais mus tu uas muaj qhov raws li **yam tsawg kawg ib** ntawm cov qauv hauv qab no tej zaum yuav muaj cai tau txais AA:

- Tus me nyuam muaj hnuv nyoog xya xyoo nce mus.
- Tus me nyuam yog tus tswv cuab ntawm cov kwv tij li ob leeg nce mus nyob ua ke.
- Tus me nyuam muaj qhov kev xav tau li tsib yam nce mus uas yog nruab nrab los sis hnyav hauv cov cheeb tsam uas qhia tseg hauv [Wis. Admin. Code § DCF 56.23\(2\)\(a\)1.a – e.](#)
- Tus me nyuam yog ib tug tswv cuab ntawm haiv neeg tsawg uas tsis tuaj yeem nkag tau ua pawg vim tsis muaj peev txheej uas tsim nyog.
- Tus me nyuam uas yog me nyuam Is Dias raws li txhais hauv [Wis. Stat. § 48.02\(8g\).](#)
- Tus me nyuam uas raug txiav txim tias yuav muaj kev pheej hmoo siab ntawm kev tsim kho cov kev xav tau nruab nrab los sis hnyav hauv cov cheeb tsam uas tau teev tseg hauv [Wis. Admin. Code § DCF 56.23\(2\)\(a\)1.a – e.](#)

Rau tus me nyuam uas muaj cai tau txais AA, tus me nyuam yuav tsum muaj raws li **TAG NRHO** hauv qab no:

- Tus me nyuam yuav tsum muaj hnuv nyoog qis dua 18 xyoo thaum lub sijhawm koj los ua me nyuam tu;
- Muaj kev txiav txim siab tias tus me nyuam tsis tuaj yeem los sis yuav tsum tsis txhob rov qab mus ntsib tus me nyuam niam thiab txiv; thiab
- Tus me nyuam uas nyob rau hauv kev saib xyuas ntawm lub koom haum muab me nyuam.

Yog xav paub ntau ntxiv txog AA los sis nrhiav seb tus me nyuam uas ua ntej txais los ua me nyuam saws puas tsim nyog tau txais AA, hu rau koj lub chaw hauj lwm ntiag tug hauv cheeb tsam, pej xeem, los sis haiv neeg tsawg hauv kev muab me nyuam.

Cov Cai Kev Tshab Xyuas thiab Thov Rov Txiv Txim Dua

Cov niam qhuav txiv qhuav yuav tuaj yeem thov kev tshab xyuas los sis tuav ib lub rooj sib hais txog kev rov txiav txim dua ua ntej kev txiav txim siab zaum kawg rau ob qho hauv qab no:

- Kev tsis lees paub qhov kev muaj cai tsim nyog tau txais kev pab rau kev txais me nyuam los tu.
- Qhov nyiaj pab txhua hli rau kev pab rau kev txais me nyuam los tu uas tau txais kev tau pom zoo.

Qhov kev tshab xyuas uas tau ua tiav los ntawm Administrator (Feem Hauj Lwm Tswj Hwm) ntawm Division of Safety and Permanence (Feem Hauj Lwm Tswj Xyuas Kev Nyab Xeeb thiab Chaw Nyob Ruaj) los sis tus ua tau los lav ris. Lub rooj sib hais rau kev rov txiav txim dua yog ib qho kev tawm suab uas twb muaj los ua ntej lawm ntawm Division of Hearings and Appeals (Feem Hauj Lwm ntsig txog Kev Hais Plaub thiab Kev Rov Txiv Txim Dua) raws li hauv [Wis. Admin. Code § DCF 50.17\(1\)](#) thiab lwm cov kev cai tswj hwm.

Ib daim ntawv thov rau kev tshab xyuas los sis tuav lub rooj sib hais plaub rau rov hais dua yuav tsum xa tuaj tsis pub dhau 10 hnuv txij li Daim Ntawv Ceeb Toom Txog Kev Pab Rau Kev Txais Me Nyuam Los Tu txhawm rau Kev Txiv Txim Siab. Daim ntawv thov yuav tsum yog muab sau ua ntaub ntawv, kos npe los ntawm niam qhuav txiv qhuav, thiab yuav tsum muaj cov nqe lus hais txog qhov teeb meem. Tej zaum cov niam qhuav txiv qhuav yuav thov kom rov tshab xyuas dua thiab rov txiav txim dua.

- Kev thov rau kev tshab xyuas yuav tsum raug xa mus rau: Administrator of the Division of Safety and Permanence, PO Box 8916, Madison, WI, 53708.
- Kev thov kom rov hais dua yuav tsum raug xa mus rau: Division of Hearings and Appeals, PO Box 7875, Madison, WI, 53707.

Daim Ntawv Ceeb Toom Adoption Assistance (Kev Pab Rau Kev Txais Me Nyuam Los Tu) thiab Kev Tshab Xyuas

Cov niam txiv qhuav nrog daim ntawv cog lus AA muaj lub luag hauj lwm ceeb toom rau DCF txog kev hloov pauv tseem ceeb, raws li xav tau hauv daim ntawv cog lus AA. Cov kev hloov pauv tseem ceeb muaj xws li:

- Hloov pauv cov niam qhuav txiv qhuav qhov chaw nyob
- Tus me nyuam tau txais Social Security Number (Tus Naj Npawb Xaus Saus) (SSN) tshiab
- Tus me nyuam tsis nyob nrog niam txiv qhuav lawm
- Tus me nyuam muaj hnuv nyoog txwm kiag 18 xyoo
- Tus me nyuam kawm tiav tsev kawm theem siab tom qab muaj hnuv nyoog 18 xyoo

- Cov niam txiv qhuav cov cai kev ua niam txiv rau tus me nyuam raug xaus lawm
- Cov niam qhuav txiv qhuav yuav tsis tu tus me nyuam ntxiv lawm
- Cov me nyuam mus koom ua tub rog
- Me nyuam tau muaj txij nkawm lawm
- Tus me nyuam raug txiav txim tias muaj cai tsim nyog rau AA raws li [Wis. Admin. Code § DCF 50.15\(3\)\(a\)3](#) thiab tsis muaj ntxiv lawm hauv individual educational program (lub khoos kas kev kawm ntiag tug) (IEP)
- Kev tuag ntawm tus me nyuam

Cov kev hloov kho Adoption Assistance (Kev Pab Rau Kev Txais Me Nyuam Los Tu)

Tus me nyuam yuav muaj cai tsim nyog tau txais kev hloov kho rau daim ntawv cog lus adoption assistance (kev pab rau kev txais me nyuam los tu) yog tias (1) tus me nyuam xoj kev xav, kev coj cwj pwm, los sis kev xav tau ntawm lub cev tau nce ntxiv thiab (2) siv sij hawm yam tsawg kawg yog 12 lub hlis txij li kev txiav txim siab zaum kawg. Kev hloov kho yog qhov nce ib xyoos ntxiv rau cov nyiaj pab txhua hli. Nyiaj pab hloov kho hauv txhua hli tsis tuaj yeem siab tshaj \$2,000 hauv ib lub hlis.

Txhawm rau thov kev hloov kho txog me nyuam coj los tu, tiv tauj rau DCFAAAmendments@wi.gov los sis hu rau 866-666-5532, kev xaiv 2, kom tau txais cov foos tsim nyog. Yog xav paub ntau ntxiv, mus saib hauv [Adoption Assistance \(Kev Pab Rau Kev Txais Me Nyuam Los Tu\): Kev hloov kho \(DCF-P-5581\)](#).

Kuv yuav tiv tauj rau leej twg yog tias...?

Kuv yuav tsum tau tshaj tawm ib qho ntawm cov kev hloov pauv tseem ceeb uas tau teev tseg saum toj no.	Tus Email: DCFAdoptionAssistance@wi.gov Xov tooj: (866) 666-5532, kev xaiv 1
Kuv yuav tsum tau tham txog tej yam txheej xwm rau kev ncuu tseg los sis ntxiv sij hawm rau kuv tus me nyuam adoption assistance (kev pab rau kev txais me nyuam los tu).	
Kuv xav kawm ntau ntxiv txog los sis thov kev hloov kho.	Tus Email: DCFAAAmendments@wi.gov Xov tooj: (866) 666-5532, kev xaiv 2
Kuv tus me nyuam cov kws muab kev pab cuam kho mob yuav tsis tham nrog kuv vim tias kuv tsis muaj npe teev nyob rau hauv ForwardHealth cov ntaub ntawv sau tseg.	Tus Email: DCFMedicaid@wi.gov Xov tooj: (866) 666-5532, kev xaiv 3
Kuv tus me nyuam cov kws muab kev pab cuam tau hais tias kuv tus me nyuam qhov kev pab cuam tsis ua hauj lwm.	

Department of Children and Families (Lub Tuam Tsev Hauj Lwm Saib Xyuas Me Nyaum thaib Tsev Neeg) yog ib lub chaw hauj lwm thiab chaw muab kev pab uas muaj vaj huam sib luag. Yog tias koj muaj kev xiam oob qhab thiab xav tau kev pab cuam, txais cov ntaub ntawv ua lwm hom ntawv, los sis xav tau cov ntaub ntawv muab txhais ua lwm hom lus, ces thov hu rau Division of Safety and Permanence (Feem Hauj Lwm Tswj Xyuas Kev Nyab Xeeb thiab Chaw Nyob Ruaj) ntawm (608) 266-8787. Cov tib neeg uas lag ntseg, tsis hnov lus zoo, lag ntseg dig muag los sis hais tsis tau lus yuav siv tau Wisconsin Relay Service (Kev Pab Txuas Lus, WRS) – 711 mus cuag lub chaw hauj lwm.